

HADIS – MOTIVASI HIDUPKU

KUPASAN HADIS TEMATIK (5) : USAHA SEBELUM TAWAKAL: TUMPUAN ISU DALAM COVID-19

Sebuah riwayat daripada Abi Hurairah RA berkata, baginda Nabi *Salla Allah alaih wa Sallam* bersabda:

يَدْخُلُ الْجَنَّةَ أَقْوَامٌ أَفْنَدْتُهُمْ مِثْلُ أَفْنَدَةِ الطَّيْرِ.

Maksudnya:

Akan masuk syurga suatu kaum yang hati mereka itu seumpama hati seekor burung.

[Muslim. 2007. *Sahih Muslim*, Kitab *al-Jannah wa Siffah na'imuha wa ahliha*, Bab *yadkhul al-Jannah aqwam af'idatuhum mithl af'idah al-Tayr*, no hadis 2840. Penyusun: Mohamed Tamer. Mesir: Maktabah al-Madany]

Menurut al-Qadhi 'Iyyadh (1998), burung yang dimaksudkan itu sifatnya bebas. Makna yang tersirat disebalik kenyataan itu ialah baginda menyarankan agar kita berwaspada sebelum kita menyerah terhadap perkara yang berlaku sebagaimana sifat seekor burung tetap 'berusaha' sebelum terbang dengan lebih tinggi di awan.

Keterangan umum:

Usaha merupakan istilah yang menterjemahkan maksud tawakal adalah salah satu daripada nilai-nilai yang dititik beratkan Islam. Berusaha melakukan sesuatu dengan kesungguhan mampu menjana hasil yang memberangsangkan sekiranya perkara yang diusahakan itu diakhiri dengan menyerahkan segalanya kepada Allah SWT. Justeru, burung terkenal dengan tidak boleh duduk diam akan berusaha untuk keluar mencari rezeki dan membawa makanannya pulang ke dalam sarang bagi memenuhi tuntutan perut dengan makanan yang dicari meskipun tidak dikurniakan akal. Di dalam Islam, konsep tawakal ialah hasil daripada sifat keimanan yang jitu hamba-Nya dipupuk dengan nilai taqwa dengan meyakini bahawa Allah SWT penentu segala urusan. Rentetan itu, dalam isu pandemik terkini yang wajar masyarakat usahakan iaitu mencegah diri dan keluarga dari jangkitan Covid-19 yang melanda satu dunia termasuk negara Malaysia. Oleh itu, masyarakat perlu mengikut Prosedur Operasi Standard (SOP) yang diwartakan oleh pihak kerajaan agar masyarakat dapat mengelak daripada terkena jangkitan dengan melakukan tiga cara iaitu penjarakkan sosial satu meter, kerap mencuci tangan menggunakan sabun atau *hand sanitizer* dan memakai pelitup muka dan hidung di kawasan awam. Bahkan perlu mengelakkan 3C iaitu, *crowded places*, *confined spaces* dan *close conversation*. Oleh demikian, sebagai manusia yang memiliki akal yang waras, pelajaran yang sempurna dan kemampuan yang sedia ada sepatutnya kita mencontohi sikap burung yang berusaha dan bertawakal dalam mencari rezeki agar kita dapat membendung gelombang pandemik yang sedang meningkat saban hari. Tuntasnya, hakikat sebenar tawakal disisi agama ialah mengambil kira sebab atau faktor persekitaran untuk mencegah demi mencari penyelesaian sesuatu perkara sebelum berlaku parah.